



SEMEYtany



Тіл-адамның адамдық белгісінің зоры, жұмсайтын қаруының бірі. Осы дүниедағы адамдар тілінен айырылып, сөйлеуден қалса, қандай қиындық күйге түсер еді.
Ахмет БАЙТҰРСЫНҰЛЫ

№ 97 (19724) 26 қыркүйек, 2025 жыл

1917 ЖЫЛДЫҢ 17 МАУСЫМЫНАН ЖАРЫҚ КӨРЕ БАСТАДЫ

АБАЙ ОБЛЫСЫНА ТАРАЙТЫН ҚОҒАМДЫҚ-САЯСИ ГАЗЕТ

■ СЕЙСЕНБІ, ЖҰМА КҮНДЕРІ ШЫҒАДЫ

■ EMAIL: INFO@SEMEYTANY.KZ

ОБЛЫС ӘКІМДІГІНДЕ

ОЙТҰРТКІ

ЖҰМЫССЫЗДАР ҚАТАРЫ АЗАЙДЫ МА?

Облыс әкімі Берік Уәлидің төрағалығымен кеңейтілген аппараттық кеңес өтті. Жиында 2025 жылдың қаңтар-тамыз айларында жұмыспен қамтудың кешенді жоспарының орындалу барысы, өңірдің әлеуметтік-экономикалық даму қорытындылары, облыстық бюджеттің орындалуы және 9 айдың болжамы қаралды.



Кеңеске облыстық басқарма басшылары, өңірлік департамент жетекшілері, ал аудан және қала әкімдері бейнережімде қатысты.

Өңірлік жұмыспен қамту картасын іске асыру барысы туралы облыстық жұмыспен қамту және әлеуметтік бағдарламаларды үйлестіру басқармасының басшысы Айман Нұрлыбек баяндады. Биылғы 15 қыркүйектегі жағдай бойынша, облыста 18 904 жұмыс орны құрылған. Оның 10 713-і – тұрақты, 8 191-і – уақытша жұмыс орындары. Инфрақұрылымдық жобалар аясында 1 277 жұмыс орны ашылды. Сондай-ақ, еңбек шарттарының 91,9 пайызы электронды түрде рәсімделген. Ауылдық аумақтарды дамыту, «Жайлы мектеп», облыстың даму жоспары және басқа да бағдар-

ламалар бойынша бірқатар жұмыс орындары құрылды. Мемлекет басшысының әрбір 10 мың тұрғынға 100 жаңа жұмыс орнын құру тапсырмасын іске асыру шеңберінде жаңадан құрылған кәсіпорындарда 6 мыңнан астам адам жұмысқа орналастырылды. Субсидияланатын жұмыс орындарына 7 198 адам орналастырылып, жоспар 108,5% орындалды. Субсидияланатын жұмыс орындарына жұмсалған қаражаттың нысаналы пайдалануын бақылау мақсатында облыста жұмыс топтары құрылды. Жалпы облыста жұмыспен қамту шаралары жалғасуда. Жиында Семей қаласы, Аягөз, Ақсуат, Көкпекті, Жарма аудандарында жұмыс орындарын құру жоспарының тиісті деңгейде орындалмай жатқаны атап өтілді. Аймақ басшысы қала-аудан әкімдеріне бұл бағыттағы жұмысты жандандырып, жоспарланған жобалардың уақтылы іске асырылуын, жұмыс орындарының ашылуын, жұмыспен қамтылған азаматтардың зейнетақы жарналарын төлеу мен еңбек келісім-шарттарының рәсімделуін қатаң бақылауды тапсырды.

«Қаралған мәселе облыс халқының әл-ауқатын және жалпы өңіріміздің әлеуметтік-экономикалық жағдайын жақсартуға бағытталғанын басты назарда ұстау қажет» деді облыс әкімі.

Кеңесте облыстың әлеуметтік экономикалық дамуының қорытындылары және бюджет қаражатын игеру мәселелері туралы Экономика және бюджеттік жоспарлау, Қаржы басқармаларының басшылары баяндады. 2025 жылдың 8 айында облыс экономикасының дамуын көрсететін қысқа мерзімді индикатор 102,8%-ды құрады. Экономикалық өсімге әсер ететін 9 көрсеткіштің 6-уы бойынша оң динамика бар.


Жыл басынан бері облысқа 275,7 млрд теңге инвестиция тартылған. Жиында тұрғын үйді пайдалануға беру, өңдеу өнеркәсібі, тау-кен өнеркәсібі, инвестиция тарту бағыттарындағы көрсеткіштерді жақсарту бойынша нақты тапсырмалар берілді. Аймақ басшысы аудан, қала әкімдеріне бюджеттік кіріс жоспарын орындауды қамтамасыз етуді, барлық бюджеттік бағдарламалар бойынша қаралған қаржыларды игеру бойынша тиімді шаралар қабылдауды міндеттеп, инвестиция тарту бағытындағы жұмысты күшейту қажеттігін айтты.

Абай облысы әкімінің баспасөз қызметі

АПТА ЖАҢАЛЫҒЫ

Семейден еліміздің ірі қалаларына қатынайтын әуе рейстерінің саны артып келеді. 23 қыркүйектен бастап «Қарағанды – Семей – Қарағанды» бағытында сы-
йымдылығы 50 орындық «Bombardier CRJ200» ұшағы жолаушыларды тасымалдай бастады.

«ҚАРАҒАНДЫ – СЕМЕЙ – ҚАРАҒАНДЫ» ӘУЕ РЕЙСІ АШЫЛДЫ



Субсидияланған рейсті «SCAT» әуе компаниясы жүзеге асырады. Жолаушылар аптасына 2 рет – сейсенбі және бейсенбі күндері қатынайтын болады. Билет бағасы – 15 000 теңге. Жаңа бағыттың ашылуы тұрғындарға қолайлы әрі қолжетімді бағада сапарлауға мүмкіндік береді.

«Бірнеше жыл бұрын «Қарағанды-Семей» бағытындағы әуе қатынасы жабылып қалған болатын. Қайтадан ашылғанына өте қуаныштымыз. Семейден Қарағандыға келу үшін Астана арқылы пойызбен жүретінбіз. Қазір халыққа өте ыңғайлы. Бір жарым сағат шамасында Семейге жетіп аламыз», - дейді Қарағанды қаласының тұрғыны.

Қазіргі уақытта Семей қаласынан «Семей – Алматы», «Семей – Астана», «Семей – Ұржар», «Семей – Қарағанды» бағыттары бойынша әуе рейстері орындалуда. Аталған рейстерді «FlyArystan», «Оңтүстік аспаны», «SCAT» әуе компаниялары жүзеге асырып келеді. Айта кетейік, республикалық бюджеттен субсидияланатын жаңа бағыт Қазақстан Республикасы Келік министрлігінің Азаматтық авиация комитетінің және Абай облысы әкімдігінің қолдауымен ашылып отыр.

"ST"-ақпарат

«КЕЛЕШЕК МЕКТЕПТЕРІ»

600 ОРЫНДЫҚ НЫСАН АЯҚТАЛМАҚ

Аягөз ауданының "Қуаныш" шағын ауданында салынып жатқан 600 орындық жаңа мектептің құрылысы аяқталуға жақын. «Келешек мектептері» ұлттық жобасы аясында бой көтерген білім ордасы жуық арада оқушыларға есігін ашпақ.

Абай облыстық білім басқармасының мәліметіне сүйенсек, құрылыс жұмыстарының негізгі кезеңдері аяқталған. Атап айтқанда, мектеп ғимаратының шатыры жабылып, терезелері мен сыртқы есіктері орнатылған. Сонымен қатар сыртқы инженерлік желілер – жылу, су, көріз, электр және байланыс жүйелері тартылып, ішкі жұмыстары да толық аяқталды.

Қазір ғимараттың ішкі-сыртқы әрлеу жұмыстары мен ау-

мақты абаттандыру шаралары жүргізілуде. Бұдан бөлек, оқу процесіне қажетті заманауи технологиялық жабдықтар орнатылуда. Инженерлік жүйелердің орындалу көрсеткіші бүгінде 90–95 пайызға жеткен.

Үш қабатты жаңа мектепте заман талабына сай 30 пәндік кабинет, 6 зертхана, 256 орындық асхана, 150 орындық акт және спорт залдары, кітапхана және оқу залы қарастырылған. Оқу проце-

сі бір ауысымда мемлекеттік тілде ұйымдастырылады.

Аягөздегі бұл жаңа білім нысаны пайдалануға берілген соң, жергілікті оқушылардың жайлы әрі қауіпсіз ортада сапалы білім алуына жол ашылады деп күтіліп отыр.

Жалпы, осы жоба бойынша облыста бес жаңа мектеп пайдалануға берілмек.

Өз тілшіміз

МАЛ ӨСІРСЕҢ, ҚОЙ ӨСІР...

Семейдегі Шәкәрім университетінде «Кооперация тетіктерін енгізу, мемлекеттік қолдау шараларын тиімді пайдалану және инвестиция тарту негізінде отандық қой шаруашылығының экспорттық әлеуетін дамыту» тақырыбында халықаралық семинар-кеңес өтті.

Шараға облыс әкімі Берік Уәли, ҚР Ұлттық аграрлық ғылым академиясының президенті, ҰҒА академигі Тілектес Есполов және Павлодар, Шығыс Қазақстан облыстары әкімдіктері басқармаларының, шаруа қожалықтарының өкілдері, төрт түлік мал, қой шаруашылығына мамандандырылған ғылыми-зерттеу институттарының жетекші мамандары, отандық және шетелдік ғалымдар қатысты.

Семинар барысында қой шаруашылығы саласындағы ғылыми зерттеулердің нәтижелері, заманауи технологиялар, халықаралық ынтымақтастық және экспорттық нарыққа шығу мүмкіндіктері қаралды.

Шара аясында Абай облысының әкімдігі, ҚР Ұлттық аграрлық ғылым академиясы және «Қазақ аграрлық өнеркәсіптік кешені экономикасы және ауылдық аумақтарды дамыту ғылыми-зерттеу институты» ЖШС арасында ынтымақтастық жөнінде меморандумға қол қойылды. Құжат ауыл шаруашылығын тұрақты дамыту, ғылыми-зерттеу жұмыстарын жүргізу және азық-түлік қауіпсіздігін қамтамасыз етуге бағытталған.

Аймақ басшысы семинар-кеңестің маңызын атап өтіп, қой шаруашылығын ел экономикасындағы орны ерекше екенін жеткізді.

«Ата кәсіп – төрт түліктің жайы, мал шаруашылығының жағдайы туралы ғылыми тұрғыдан толғанып, ғылыми тұжырым жасау қашанда өзекті. Сондықтан отандық қой шаруашылығын дамыту мәселелері жөніндегі халықаралық семинар-кеңестің біздің өңірде өтуі біз үшін



маңызды. Мемлекет басшысы Қасым-Жомарт Кемелұлы Тоқаев биылғы халыққа арнаған Жолдауында ауыл шаруашылығын жаңа деңгейге көтеру керектігін айғақтай отырып, «Қолданбалы ауыл шаруашылығы ғылымын жедел өркендетпейінше, агроөнеркәсіп кешенін ұзақ уақыт бойы қарқынды дамыту мүмкін емес», - деп ғылымға арқа сүйеудің маңызын ерекше атап өткен болатын. Бүгінгі алқалы басқосу қой шаруашылығын дамытуға байланысты тәжірибелі кәсіпкерлер мен білімді мамандардың өзекті пайымдарын ортаға салып, ғылыми тұрғыдан зерделеуге және пікір алмасуға таптырмас алаң болады деп есептейміз», - деді облыс әкімі.

Ұлттық аграрлық ғылым академиясының президенті Тілектес Есполов Абай облысының аграрлық әлеуеті зор екенін атап өтті.

«Бүгінгі отырысымызды тарихи өлке, киелі ұлы Абай елінің Семей қаласында өткізуді жөн көрдік. Абай облысы – қуатты агроөнеркәсіптік әлеуеті бар өңір. Мұнда егіншілік, мал шаруашылығы, ауыл шаруашылығы өнімдерін өңдеу жақсы дамыған. Біз қиындықтарды мүмкіндіктерге, ал өңірдің бай әлеуетін әл-ауқат пен гүлденудің көзіне айналдыру үшін бірге жұмыс істеуіміз керек», - деді академик Т.Есполов.

Семинарға қатысқан Оман сұлтан-

дығындағы «Atyab International Services» компаниясының жетекші техникалық қолдау маманы (ТМД және Орталық Азия өңірі) Сеид Кажә Арифуддин «Қазақстан қой шаруашылығына халал стандарттары мен азық-түлік қауіпсіздігі протоколдарын енгізу» тақырыбында, ал пәкістандық профессор Мұхаммед Камар Билал (Файзалабад ауыл шаруашылығы университеті) онлайн режимде қосылып, «Пәкістандағы қой шаруашылығы тәжірибесі» тақырыбында баяндама жасады.

Бүгінде Абай облысында қой шаруашылығын дамытуға ерекше көңіл бөлініп келеді, асыл тұқымды мал үлесі 25 пайызға жеткен. Қазіргі уақытта Жаңа Семей ауданының Шақаман ауылында ет және ет өнімдерін терең өңдейтін өндірістік кешеннің құрылысы жүргізілуде. Кәсіпорын іске қосылғанда аудандарда қосымша кооперативтер құрылып, қой шаруашылығының өнімділігі мен экспорттық әлеуеті арта түседі.

Статистикалық деректерге сүйенсек, облыстағы қой саны республикадағы барлық ұсақ мал басының 6 пайызын құрап отыр. Елімізде 22 миллионнан астам қой болса, соның 1 миллион 500 мыңға таяуы Абай облысында. Сондықтан бұл бағытты дамытуға үлкен мүмкіндік бар.

Абай облысы әкімінің баспасөз қызметі

БІЛІМ

Мақаншы ауданына қарамақшына Көктерек ауылдық округіндегі Көктерек орта мектеп-балабақшасына оқушыларды тасымалдау үшін «Газель NEXT» маркалы автобус сатып алынды.

ЖАҢА АВТОБУС БЕРІЛДІ

Қазіргі таңда бұл білім ошағында 160 оқушы оқиды. Жаңа автобус Көктерек – Кіші Көктерек бағыты бойынша күн сайын екі рет қатынап, 30-ға жуық оқушыны мектепке және үйлеріне қауіпсіз жеткізуді қамтамасыз етеді. Бұл – ауыл балаларының білімге қолжетімділігін арттырып, ата-аналар үшін үлкен қолдау болмақ.

Жалпы, Мақаншы ауданында 18 мектеп бар. Онда 4581 оқушы білім алады, 738 мұғалім еңбек етеді.

"ST"-ақпарат





Мен, Қожанбаев Әділет Нұрсағатұлы, 1980 жылы 1 қаңтарда Көкпекті ауданы, Биғаш ауылында дүниеге келдім.

Қазтұтынуодағының аң терісі-мех колледжін «Экономика, бухгалтерлік есеп және талдау» мамандығы бойынша, Тұран университетін «Бухгалтерлік есеп және талдау», «Құқықтану» мамандықтары бойынша, сондай-ақ Мәскеу қаласындағы Ресей Федерациясы Президентінің жанындағы Ресей халық шаруашылығы және Мемлекеттік қызмет академиясында оқып, «Іскерлік әкімшілендіру шебері» – Master of Business Administration (MBA) біліктілігін алдым.

Еңбек жолымды 2000 жылы «Крамдсбанк» АҚ Семей филиалының тарату комиссиясында кредиттік қызметкер ретінде бастадым.

Өр жылдары Алматы қаласындағы «БТА Ипотека» АҚ-да процессинг және кепіл мониторинг бөлімінің басшысы, кредиттік басқарманың басшысы, атқарушы директоры, «Темірбанк» АҚ Басқарма Төрағасының кеңесшісі, Семей қаласындағы Банк филиалының директоры, «Қазақстанның тұрғын үй құрылыс жинақ банкі» АҚ-да операциялық департамент директоры, басқарушы директор, басқарма төрағасының орынбасары, «Қазақтелеком» АҚ Алматы қаласындағы сервистік фабрика – филиалының бас директоры қызметтерін атқардым.

Сонымен қатар Абай облысының қаржы басқармасын басқардым. Бүгінде өзімнің туған өлкем Көкпекті ауданының әкімі қызметін атқарудамын. Жалпы еңбек өтілім – 25 жыл.

Әділет Нұрсағатұлы Қожанбаевтың Семей қаласына арналған сайлауалды БАҒДАРЛАМАСЫ

1. Қаланы жасылдандыру – басты мақсат

Семей қаласын экологиялық таза, жасыл әрі жайлы ортаға айналдыру – менің басты мақсаттарымының бірі. Бұл бағытта біз келесі міндеттерді іске

ЖАҢАСЕМЕЙ

Жаңасемей ауданына қарасты Қараөлең ауылдық округінің Қайнар ауылында көше жарығына ағымдағы жөндеу жұмыстары жүргізілді.

ҚАЙНАР КӨШЕЛЕРІ ЖАРЫҚТАНДЫРЫЛДЫ

Жұмыс барысында 170 дана жарық шамы ауыстырылып, 8 шақырым электр кабелі жаңартылып, 10 бағана орнатылды.

Нәтижесінде істен шыққан жарықтандыру жүйесі толықтай қалпына келтіріліп, ауыл ішіндегі жалпы ұзындығы 3,5 шақырым көше жарықтандырылды. Бұл өз кезегінде тұрғындардың қауіпсіз әрі жайлы қозғалысын қамтамасыз етіп, ауылдың түнгі келбетін жақсартуға мүмкіндік берді.



СЕМЕЙ

КОМИССИЯ ОТЫРЫСЫ ӨТТІ

Семей қаласы әкімдігі жанындағы Сыбайлас жемқорлыққа қарсы іс-қимыл жөніндегі ведомствоаралық комиссияның кезекті отырысы өтті.

Отырыста күн тәртібіне сәйкес бірқатар өзекті мәселелер қаралды. Атап айтқанда, квазимемлекеттік сектордағы сыбайлас жемқорлық тәуекелдеріне жүргізілген мониторинг нәтижелері, сондай-ақ құрылыс саласындағы сыбайлас жемқорлықтың алдын алу және анықтау бағытында атқарылған жұмыстар туралы баяндамалар тыңдалды.

Комиссия мүшелері жүргізілген талдау нәтижелерін қарап,

ҚҰЖАТТАРЫН ТӘУЛІК БОЙЫ АЛА АЛАДЫ

Халыққа қызмет көрсету орталықтарының жұмысына мемлекеттік қызметтердің қолжетімділігін және сапасын арттыратын заманауи цифрлық бағдарламалар енгізілуде. Соның бірі – дайын құжаттарды беру үшін орнатылған постомат.

Сәтжан ҚАСЫМЖАНҰЛЫ,
«Semei tany»

Жақында Семей қаласындағы 408-ші квартал, 21-үй мекенжайында орналасқан бір постомат іске қосылды. Оның қызметі тәулік бойы (24/7) қолжетімді, әрі тұрғындарға құжаттарын өзіне ыңғайлы уақытта алуға мүмкіндік береді. Етініш берген кезде фронт-офис маманына құжатты постомат арқылы алатыныңызды хабарлау қажет. ХҚО қызметкерлері құжатты құрылғыға қалдырғаннан кейін, етініш берушіге SMS-хабарлама жіберіледі. Онда етінім нөмірі, алты таңбалы код, сақтау мерзімі және постоматтың мекенжайы көрсетіледі. Құжатты алу үшін экранға SMS арқылы



келген кодты енгізіп, биометриялық сәйкестендіруден өту жеткілікті. Жеке деректер расталған соң, құжат салынған жеке ұяшық

бірқатар тапсырмалар беріліп, жауапты мекемелерге тиісті ұсынымдар жолданды.

Еркежан ҚАЙСА

ҚАРУЛЫ КҮШТЕР ӘСКЕРИ ОРКЕСТР ӨНЕР КӨРСЕТТІ

Семей қаласының тұрғындары мен қонақтары үшін ерекше мерекелік шара ұйымдастырылды.



Қала күні аясында Ұлттық әскери-патриоттық орталығы Семей қалалық филиалының әскери оркестрі мен Құрмет қарауыл ротасы аспалы көпірдің астында өз өнерлерін паш етті. Шара барысында оркестрдің әуендері әсем әуезге толы болып, қала тұрғындарына патриоттық рух сыйлады. Құрмет қарауылының саптық қимылдары мен әскери дәстүрді дәріптейтін қойылымдары мерекелік көштің сәнін кіргізді.

Айта кетейік, мерекелік бағдарлама бұнымен шектелмейді. 25 қыркүйек күні сағат 20:00-де Орталық Арбатта, ал 26 қыркүйек күні дәл осы уақытта М. Әуезов алаңында жалғасын тапты.

«ST» - ақпарат

Өңірлік коммуникациялар қызметінің қызметінің ақпарат алаңында өткен баспасөз мәслихатында Семей қаласының автомобиль жолдарын жөндеу, күтіп-ұстау және дамыту бағытында атқарылып жатқан жұмыстар туралы баяндалды.

ЖОЛДАР ЖАЙЫ ОЙПАНТАДЫ

Гүлім ЗАМАНБЕКҚЫЗЫ,
«Semei tany»

Қала аумағындағы жалпы ұзындығы 756 шақырымды құрайтын 120 көшенің қазіргі таңда 47 пайыз бөлігі ғана асфальтталған. Қалған жолдар құм-қиыршықтас немесе топырақ жабындысында қалып отыр. Жиын барысында айтылғандай, 2025 жылға жоспарланған жұмыстар аясында 52 көшеге орташа жөндеу жүргізілуде.

Бұл – біздің басты мәселелеріміздің бірі және оны кезек-кезеңімен шешу жоспарланып отыр. Қазіргі таңда 52 көшеге орташа жөндеу жүргізілуде. Жөндеу жүргізілетін көшелердің жалпы ұзындығы 43 шақырымды құрайды. Бұл бағытта екі мердігер ұйым – «Гордорстрой» ЖШС және «Көкпекті Жолдары» ЖШС жұмыс атқарауда. 15 қыркүйектегі жағдай бойынша 9 көшеде асфальто-бетонның екі қабаты төселіп, 28 көшеде бірінші қабаты салынды. Қалған көшелерде дайындық жұмыстары қарқынды жүргізіліп жатыр, - дейді жауапты мамандар.

Сонымен қатар, қаламыздағы аулалық өткелдер мен жолдарды асфальттау жұмыстары да қолға алынған. Бұл жұмыстарды сол жағалауда – «Семей механикалық зауыты» ЖШС, ал оң жағалауда – «Гордорстрой» ЖШС атқарауда.

Бүгінгі күнге дейін 10 аулада жұмыстар толық аяқталып, тағы 10 аулада құрылыс-монтаж жұмыстары жүргізілуде. Бұдан бөлек, 160 мың шаршы метр көлемінде жолдарды грейдерлер, қиыршықтас пен құм-қиыршықтас қоспасын төсеу жоспарланған. Бұл бағыттағы жұмыстарды «Зеленстрой Семей» ЖШС орындап жатыр.

функционалды ауруханалар мен емханалар, балабақшалар салынып, тұрғындардың өмір сапасы жақсартылады.

Өлеуметтік инфрақұрылым: Мүгедектігі бар адамдарға арналған арнайы қызмет көрсету орталықтары ашылып, қолжетімділік пен қолдау деңгейі артады. Қала кеңістігінде инклюзивті орта қалыптастырылып, барлық тұрғындар үшін тең мүмкіндіктер қамтамасыз етіледі.

Баспана мәселесі: Тұрғын үйге мұқтаж жандардың қажеттіліктерін шешу үшін қолжетімді баспана бағдарламалары іске асырылады. Өлеуметтік осал топтарға жататын азаматтар үшін жалдамалы және жеңілдетілген тұрғын үй жобалары қарастырылады. Сонымен қатар жастарға арналған арнайы тұрғын үй бағдарламалары енгізіледі.

Өлеуметтік қолдау: Қоғамдық бастамаларды қолдау мақсатында қайырымдылық және әлеуметтік серіктестік жобаларына жағдай жасалады.

6. Қоғамдық көлік жүйесін жаңарту

Автобус паркін жаңарту: Қаладағы қоғамдық көліктің сапасын арттыру үшін 2026 жылы жаңа, экологиялық таза 70 автобус сатып алынады. Автобустардың бағыттары мен жүру кестелерін қайта қарастырып, тұрғындардың уақытын үнемдеуге және қозғалысты оңтайландыруға бағытталған шаралар қабылдаймыз.

Транспорт инфрақұрылымын жаңарту: Көлік инфрақұрылымын дамыту үшін жаңа тұрақтар, веложолдар және жаяу жүргіншілер жолдарын саламыз. Сондай-ақ 100 дана ескі аялдама павильондарын жаңаға ауыстырамыз.

7. Қаланың экологиялық жағдайын жақсарту

Тазалық пен экология: Қала тазалығын сақтау үшін арнайы бағдарламалар мен экологиялық айлықтар ұйымдастырамыз. Қоқыстарды сұрыптап, қайта өңдеу жүйелерін енгіземіз.

Қалдықтарды қайта өңдеу: Қалдықтарды қайта өңдеу мен экологиялық таза энергия көздерін дамыту, соның ішінде жаңартылатын энергия көздерін (күн және жел энергиясы) енгізу арқылы экологиялық мәселелерді шешеміз.

8. Басталған жобаларды жалғастыру

Қолданыстағы жобаларды қолдау: Өрбір басталған жобаны мерзімінде және сапалы аяқтау. Мысалы, қаладағы жаңа тұрғын үй кешендері, жолдар мен әлеуметтік нысандарды салу жұмыстарын жалғастыру.

Семей қаласы әкіміне кандидаттың сайлау қорынан төленді

«ТАЗА ҚАЗАҚСТАН»

Бородулиха ауданында "Таза Қазақстан" бағдарламасы аясында ағаш отырғызу жұмыстары жүргізілуде.

4700 ТҮП АҒАШ ОТЫРҒЫЗЫЛДЫ

Биыл аудан бойынша 7000 түп ағаш отырғызу жоспарланған. Көктемде қарағай, шырша, қайың, терек және жұмсақ жапырақты қарағаш - барлығы 4700 түп көшет егілді. Аталған жұмыстар «Таза Қазақстан» экологиялық бағдарламасы аясында жүзеге асырылуда. Демеушілердің қолдауымен қосымша 3000 түп өмен және 200 түп қайың көшеті сатып алынып, ауданның 17 ауылдық округі мен Жезкент кентіне үлестірілді. Көшеттер саябақтарда, тоғандардың жағасында, түрлі мекемелер мен мектеп, колледж аумақтарында отырғызылуда.

Сонымен қатар аудан тұрғындары үйлерінің іргесіне ағаш егіп, бағдарламаның ойдағыдай орындалуына өз үлестерін қосуда. Экологиялық бастамаға мұғалімдер, оқушылар, мемлекеттік қызметкерлер, зейнеткерлер мен жастар белсенді түрде қатысып жатыр.

Еске сала кетсек, облыста 2024-2029 жылдарға арналған экологиялық мәдениетті дамыту тұжырымдамасы бекітілген. Тұжырымдама 44 іс-шараны қамтиды. Оның негізгі мақсаты – өңірдегі экологиялық жағдайды жақсарту және табиғатты қорғау ісінде халықтың жауапкершілігін арттыру.



Өз тілшіміз

ӨЗЕКТІ



Бүгінгі күнге дейін 32 көшеде жұмыс аяқталды, қосымша 25–30 көшені қамту көзделіп отыр. Сонымен қатар, жоспарлы жұмыстар қатарында жол белгілерін орнату және күтіп-ұстау, жол таңбаларын сызу, ағымдағы жөндеу, қала көшелері мен жолдарды күтіп-баптау, сондай-ақ қоршауларды (колесоотбойник) күтіп-ұстау жұмыстары да тұрақты түрде жүргізілуде.

Абай облысының автомобиль жолдарының және елді мекен көшелерінің жалпы ұзындығы 10 228 шақырымды құрайды. Оның ішінде республикалық маңызы бар – 2176 шақырым, облыстық маңызы бар – 1593 шақырым, аудандық маңызы бар – 3063 шақырым жол және көше желілері – 3396 шақырым, оның ішінде Семей қаласы көшелері 756 шақырым құрайды.

Өр автомобиль желілеріндегі жұмыстарға қысқаша тоқтала кетсек. Республикалық маңызы бар автомобиль жолдарының жалпы ұзындығы 2176 шақырымды құрайды. Ағымдағы жылы Абай облысының аумағында «Қалбатау-Майқапшағай» және «Талдықорған-Қалбатау-Өскемен» автожолдарының учаскелері қайта жаңарту жұмыстары жалғасуда. «Қалбатау-Майқапшағай» автожолының 906-1090 шақырымдағы учаскесі

де ескертілді.



С.ЫСҚАҚОВ:

«ДІНАРАЛЫҚ КЕЛІСІМ – ТҰРАҚТЫЛЫҚ НЕГІЗІ»

Жақында Елорда төрінде Әлемдік және дәстүрлі діндер көшбасшыларының VIII съезі өткен болатын. Астанадағы маңызы айрықша бұл жиынға Абай облысы Дін істері басқармасының басшысы Сейілбек Ысқақов та қатысып қайтқан еді. Соған орай әлемдік аясы кең съезден алған әсерін оқырмандармен бөлісуді сұраған едік.

– Сейілбек Абұйырулы, 2025 жылғы Әлемдік және дәстүрлі діндер көшбасшылары съезіне қатысқан екенсіз. Бұл форумның нақты деректерімен бөлісіп өтсеңіз: қанша елден, қанша делегация келді, қандай негізгі тақырыптар қамтылды?

– Иә, 17-18 қыркүйек күндері Астана қаласында Әлемдік және дәстүрлі діндер көшбасшыларының VIII съезі өтті. Съезге 60 мемлекеттен 100-ден астам делегация қатысты. Олардың қатарында Ислам, Христиандық, Буддизм, Иудаизм, Хиндуизм, Даосизм, Зороастризм және Шинтоизм секілді әлемдік және дәстүрлі діндердің өкілдері болды. Сонымен қатар халықаралық ұйымдардың өкілдері, беделді сарапшылар, саяси және қоғамдық қайраткерлер де форумға белсене атсалысты. Съез аясында бірнеше шаралар өткізілді, атап айтқанда 16 қыркүйекте Қазақстан Республикасы Парламенті Сенатының Төрағасы, Әлемдік және дәстүрлі діндер лидерлері Съезі Хатшылығының басшысы Мәулен Әшімбаевтың төрағалығымен өткен Хатшылықтың XXIII отырысында хаттама қабылданды. Бейбітшілік пен өзара түсіністік жолындағы ортақ мақсаттың символына айналған қорытынды құжат «Астана бейбітшілік декларациясы 2025» деп аталды. Осы күні БҰҰ Өркениеттер альянсы аясында діни нысандарды қорғау жөніндегі арнайы сессия ұйымдастырылды. Мәулен Әшімбаев Қазақстандағы дінаралық келісім дәстүрін атап өтіп, қасиетті орындарды қорғау – халықтар тарихы мен мәдени мұрасының ажырамас бөлігі екенін жеткізді. Сессияға жетекші діни және саяси көшбасшылар, дипломаттар, қоғамдық және халықаралық ұйымдардың өкілдері жиналып, ғибадат орындары, қасиетті және діни ғимараттарға қауіп төндіретін жаһандық сын-қатерлерді талқылады. 17 қыркүйекте ел Президенті Қасым-Жомарт Тоқаевтың төрағалығымен Әлемдік және дәстүрлі діндер лидерлерінің VIII съезінің пленарлық отырысы өтті. 18 қыркүйекте «Бейбіт өмір – жастар таңдауы: болашақ жолындағы синергия» ұранымен Жас діни лидерлердің II форумы өтті. Форумға жас діни лидерлермен

қатар әлемдік жастар қозғалыстарының өкілдері, ғалымдар, сарапшылар қатысты. Олар климаттық өзгерістер, қақтығыстар, төзбеушілік сияқты жаһандық сын-қатерлерді еңсерудегі жастардың рөлін талқылады.

– Съездің негізгі тақырыбы мен бағдарлары қандай болды?

– Съездің басты тақырыбы «Діндер диалогы: болашақ жолындағы синергия». Бұл тақырып қазіргі әлемдегі өзара түсіністік пен сенімнің қаншалықты маңызды екенін тағы бір мәрте айқындап берді. Жұмыс барысында секциялық отырыстар форматында күн тәртібінен бірқатар өзекті мәселелерді қаралды. Атап айтқанда, дінаралық және мәдениетаралық ынқатысуды нығайту, экстремизм мен радикализм идеологияларына қарсы күрес, әлемдегі діни толеранттылықты арттыру, жастар арасында рухани-адамгершілік тәрбиені дамыту, әлеуметтік әділеттілік пен климаттың өзгеруіне қатысты діндердің көзқарасы сияқты мәселелер кеңінен талқыланды. Сонымен қатар, діннің заманауи қоғамдағы рөлі, медианың діни ынқатысудағы орны мен жауапкершілігі, сондай-ақ технологиялық дамуға байланысты туындап отырған моральдық-этикалық сұрақтар да күн тәртібіне енгізілді. VIII Съезд шеңберінде Әділетті, Таза, Қауіпсіз, Қуатты, Цифрлық Қазақстан туралы бағыттар толықтырып, елдің тұрақты дамуы мен қоғамдық келісімін нығайту үшін маңызды екені атап өтілді. Секция жұмыстарына әлемнің түкпір-түкпірінен келген түрлі діндердің өкілдері, сарапшылар, халықаралық ұйымдардың мүшелері өз тәжірибелерімен бөлісіп, жаһандық деңгейдегі сенім мен ынтымақтастықты нығайту жолдарын қарастырды. Делегаттар дінаралық татулықты сақтау үшін білім беру, ақпараттық саясат және мәдени жобалар арқылы біріге істеудің маңыздылығын атап өтті. Съезд қорытындысы бойынша, барлық қатысушылар бейбітшілік пен келісімді ілгерілетуге бағытталған бірлескен күш-жігердің маңызын мойындай отырып, ортақ декларация қабылдады. Бұл құжатта діндер арасындағы ынқатысуды дамытудың басты қағи-

далары мен бағыттары айқындалды. Сонымен қатар, съезд әлем халықтарын өзара құрмет, төзімділік және адамзаттың ортақ игілігі жолында ынтымақтастыққа шақырды. Осылайша, съезд қазіргі заманның күрделі мәселелерін шешуде діндер арасындағы ынқатысудың тиімді құрал екенін тағы бір рет дәлелдеп, болашақ ұрпақ үшін тұрақты әрі бейбіт әлем құруға бағытталған маңызды қадам болды.

– Әлемдік шараның аясында қандай маңызды шешімдер немесе құжаттар қабылданды?

– Съезд шеңберінде қабылданған ең маңызды шешімдердің бірі Декларациясының қабылдануы болды. Бұл құжат съездің басты қорытындысы әрі әлемдік және дәстүрлі дін көшбасшыларының ортақ ұстанымдарын бейнелейтін манифест іспетті. Декларацияда қазіргі әлемдегі негізгі сын-қатерлерге ортақ жауап берудің жолдары мен діндердің бейбітшілік орнатудағы рөлі айқындалған. Діни және мәдениетаралық диалогтың маңыздылығы, әлеуметтік тұрақтылық пен жаһандық ынтымақтастық, жаңа технологиялар мен жасанды интеллектті жауапты пайдалану, адам құқықтары, толеранттылықты дамыту, дін істерінде бейбітшілік пен келісімді қолдау съезд декларациясының маңызды бағыттары мен қағидаттарының бірі болды. Декларацияда келесі, IX съездін өткізу мерзімі ұсынылып, 2028 жылға белгіленді.

– Осы фактілердің өзіңіз басқаратын облыстық басқарма жұмысына әсері қалай болмақ?

– VIII Съезде қабылданған «Астана бейбітшілік декларациясы - 2025» құжаты мен ондағы айтылған бастамалар облыстық дін істері басқармасының алдағы жұмыс бағытына тікелей әсер етеді. Атап айтқанда, съезд барысында діни төзімділік, бейбітшілік пен өзара түсіністік қағидаттарын нығайту қажеттілігі баса айтылды. Бұл облыс көлемінде дінаралық және конфессияаралық келісімді сақтау, діни бірлестіктермен өзара ынтымақтастықты тереңдету бағытындағы жұмысты одан әрі күшейтуді талап ете-



ді. Сонымен қатар, съезде жастар арасында рухани-адамгершілік құндылықтарды насихаттаудың маңыздылығы ерекше атап өтілді. Осыған орай, басқарма тарапынан білім беру мекемелерімен, жастар ұйымдарымен және ақпараттық-түсіндіру топтарымен бірлескен жұмыстарды жандандыру қажет болады. Жас ұрпақты діни радикализм мен жалған идеологиялардан қорғау бағытындағы іс-шаралар нақты және жүйелі түрде жүзеге асырылуы тиіс. Съезде көтерілген тағы бір маңызды мәселе, цифрлық кеңістіктегі діни мазмұнды ақпараттың сапасы мен мазмұны болды. Осыған байланысты басқарманың әлеуметтік желілер мен интернет кеңістігінде діни экстремизмнің алдын алуға бағытталған ақпараттық саясатты күшейтуі өзекті болып отыр. Бұл бағытта жергілікті теологтар мен дінтанушылардың қатысуымен сапалы контент әзірлеу қажеттігі туындайды. Сонымен бірге, съезд нәтижелері халықаралық және ұлттық деңгейдегі үздік тәжірибелерді зерделеуге және жергілікті деңгейде енгізуге жол ашады. Басқарма өңірдегі діни ахуалды тұрақты бақылауда ұстай отырып, қоғамдағы діни сауаттылықты арттыруға бағытталған кешенді бағдарламаларды жүзеге асыруды жалғастырады. Осылайша, VIII Съезд барысында көтерілген бастамалар мен қабылданған құжаттар облыстық дін істері басқармасының қызметін мазмұндық және стратегиялық жағынан жетілдіруге, бейбітшілік пен рухани келісімді нығайтуға бағыт береді.

– Съезден алған әсеріңізбен бөліссеңіз...

–VIII Съездге қатысу мен үшін үлкен құрмет қана емес, түсіне білген адамға терең ой саларлық рухани тәжірибе болды деп санаймын. Әлемнің түкпір-түкпірінен келген дін көшбасшылары мен сарапшылардың бір ортада бас қосып, бейбітшілік пен келісім туралы ортақ үн қатуы мені ерекше толқитты. Әр сөзден, әр ұсыныстан адамзаттың ортақ тағдырына деген жауапкершілік пен шынайы жанашырлық байқалды. Диалогтың, сабыр мен түсіністіктің күшіне деген сенімім артты. Бұл тек сөз жүзіндегі үндеу емес, нақты іс-қимылға бастайтын құндылықтар жиынтығы. Съездің негізгі ұстанымдары мен көтерген мәселелері мені қоғамдық деңгейде де үн қатуға итермелейді. Бүгінгі күрделі заманда барша азаматтарға үндеу тастағым келеді. Біз, діни сенімміз, ұлты немесе көзқарасы әртүрлі болғанымен, бір елдің, бір жердің тұрғындарымыз. Сондықтан, өзара сыйластық, төзімділік пен бірлік – тек мемлекеттік саясаттың ғана емес, әр адамның ішкі ұстанымына айналуы тиіс. Жастарымызды адасудан қорғап, білім мен рухани тәрбиеге жол ашу – баршамыздың ортақ борышымыз. Съез маған жаңа серпін берді. Қоғамдағы бейбітшілік пен рухани келісімді нығайтуға жеке үлесімді қоса беруге дайынмын деп шын жүректен айтамын.

– Сұхбатыңызға рахмет!

Сұхбаттасқан
С. ҚАСЫМЖАНҰЛЫ

Өңірлік коммуникациялар қызметінде



Өңірлік коммуникациялар қызметінің ақпарат алаңында Курчатов қаласының әкімі Болат Әбдірәлиев БАҚ өкілдерімен баспасөз мәслихатын өткізді. Кезекті жиын барысында Курчатов қаласының 2025 жылғы 8 айдағы әлеуметтік-экономикалық даму туралы баяндап, журналистер қойған сауалдарға жауап берді. Соның негізгісі әр өңірде өзекті мәселеге айналған баспанамен қамту жайы болды.

Гүлім ЗАМАНБЕКҚЫЗЫ,
«Semey tanu»

Қала тұрғындарын сапалы баспанамен қамтамасыз ету – жергілікті биліктің басты назарындағы міндеттердің бірі. Соңғы жылдары атқарылып жатқан жүйелі жұмыстардың нәтижесінде Курчатов қаласының архитектуралық келбеті жаңарып қана қоймай, пәтер кезегінде тұрған азаматтардың мәселесі де кезең-кезеңімен шешімін табуда. Шаһар басшысының сөзіне сүйенсек, 2026–2027 жылдары тұрғын үй кезегін мүлдем жою жоспарланып отыр. Осы бағытта бос тұрған ғимараттарды қалпына келтіру жұмыстары қарқын алған. Бұрын қараусыз қалған үйлер қайта жөнделіп, халықтың игілігіне берілу үшін күрделі жөндеу жұмыстары да жүргізілген. Осы орайда қаладағы Школьная кө-

шесіндегі 36 пәтерлі тұрғын үйдің қайта қалпына келтіру жұмыстары толық аяқталған. Бұл – ондаған отбасы үшін жаңа баспанаға қол жеткізу мүмкіндігі екені де айтылды.

– Алдағы уақытта да жұмыстар жалғаса береді. Күз айында Абай көшесі, 35 мекенжайындағы 70 пәтерлі үйдің жөндеу жұмыстары аяқталып, қоныс тойын тойлайтын тұрғындардың қатары көбеймек. Сонымен қатар, Тәуелсіздік көшесі, 27 мекенжайындағы үйде де қалпына келтіру жұмыстары басталып кетті. Жақын арада Абай көшесіндегі 33 және 37 нөмірлі үйлерде де жөндеу ісі қолға алынбақ, – дейді Курчатов қаласының әкімі Болат Әбдірәлиев.

Бұдан бөлек, бос тұрған екі жатақхана бойынша да инвесторлар табылып, келіссөздер жүргізілу үстінде. Бұл да өз кезегінде

тұрғын үй кезегінде тұрған азаматтардың баспанаға қол жеткізу мүмкіндігін кеңейтеді. Осылайша, қала билігінің үйлесімді жұмысының арқасында тұрғын үй қоры біртіндеп артып, архитектуралық келбеті жаңаруда. Ал ең бастысы – баспанасыз жүрген тұрғындар жаңа пәтерге қоныстанып, әлеуметтік мәселенің түйіні тарқатылуда. Курчатов қаласының тағы бір өзекті мәселелерінің бірі – жол сапасы және ауыз су. Қала тұрғындарының өмір сапасын жақсарту мақсатында жолдарды қайта жаңғырту, аулаішілік аумақтарды абаттандыру, сондай-ақ жылу мен су мәселесін шешу бағытындағы жұмыстар жүйелі түрде жүргізілуде. Бұл игі бастамалар қаланың көркіне керік қосып қана қоймай, тұрғындардың күнделікті тұрмысына да оң әсерін тигізуде.

Алдымен қала ішіндегі жолдар-

ды қайта жаңғырту жұмыстарына тоқталған Болат Таңсықбайұлы бүгінгі күні жалпы құны 1,3 миллиард теңге болатын келісімшарт «ПАВЛОДАР ЖОЛДАРЫ» ЖШС-мен жасалғандығын алға тартты. Жұмыс ауқымы кең – жыл соңына дейін қала көшелеріне тегістеуші қабат ретінде ірі түйіршікті асфальт төселсе, келесі көктемде ұсақ түйіршікті асфальт жабындысы төселіп, құрылыс толық аяқталады. Жоба нәтижесінде 2026 жылға қарай қала көшелерінің 100%-ы жаңартылмақ.

Сондай-ақ көптен күткен Курчатов–Павлодар автомобиль жолының учаскесінің құрылысы да қарқынды жүргізілуде. Жоспар бойынша бұл нысан бір ай келесінде толық аяқталып, пайдалануға берілімек. Бұл бағыттағы жолдың аяқталуы қала тұрғындары мен жолаушылар үшін айтарлықтай қолайлылық туғызары сөзсіз. Қала инфрақұрылымын дамытуға өндірістік кәсіпорындар да өз үлесін қосуда. Атап айтқанда, «ҚазЦинк» ЖШС демеушілігімен биыл 150 миллион теңге қаржы бөлініп, 8 аулаішілік жолдың төсемдері ауыстырылмақ. Бұл жұмыстардың нәтижесінде барлық аулаішілік жолдар толықтай асфальт жабындысымен қамтамасыз етіледі.

Айта кету керек, тұрғындарды көп жылдан бері мазалап келген су және жылу мәселелері де күн тәртібінен түскен жоқ. Қазіргі таңда осы бағытта да жүйелі жұмыстар атқарылып, өз шешімін табуда.

Жалпы алғанда, қолға алынған жобалар қала инфрақұрылымын түбегейлі жаңартып қана қоймай, тұрғындардың өмір сүру сапасын арттыруға бағытталған. Жаңа жолдар, ыңғайлы аулалар мен шешімін тапқан коммуналдық мәселелер – болашақта қаланың дамыған әрі жайлы шаһарға айналатынын айғақтайды. Сонымен қатар, баспасөз жиынында медицина мамандарының тапшы екендігі де тілге тиек болды. Қала басшысы бұл келеңсіздіктердің алдын алып, алдағы уақытта шешімін табуға тырысатынын айтты.

ЗАҢ ЖӘНЕ ТӘРТІП

Бесқарағай ауылының Мәдениет үйінде қоғамда сыбайлас жемқорлыққа қарсы мәдениетті қалыптастыру және азаматтардың құқықтық сауаттылығын арттыру, заңгерлік көмек көрсету мақсатында қабылдау ұйымдастырылды.

МАМАНДАР КЕҢЕС БЕРДІ



Қоғамдық қабылдауға жергілікті атқарушы органдардың басшылары, құқық қорғау органдарының өкілдері, кәсіби заңгерлер мен қоғам белсенділері қатысты. Іс-шара барысында тұрғындар өздерін толғандырған мәселелер бойынша құқықтық кеңес алып, сауалдарына нақты әрі жан-жақты жауап алды. Кездесуде негізінен жер қатынастары, әлеуметтік төлемдер, еңбек құқығы, тұрғын үй мәселелері, отбасы және тұрмыстық дауларға қатысты сұрақтар көтерілді. Мамандар Қазақстан Республикасының қолданыстағы заңнамаларына сәйкес түсіндіру жұмыстарын жүргізіп, әрбір өтініш иесіне практикалық кеңестер берді.

Ұйымдастырушылардың айтуынша, мұндай қабылдаулар халықтың құқықтық мәдениетін қалыптастыруға, азаматтардың өз құқықтары мен міндеттерін дұрыс түсініп, қорғауына мүмкіндік береді. Сонымен қатар, бұл шара қоғамда заңсыздықтың алдын алуға және сыбайлас жемқорлыққа қарсы иммунитетті күшейтуге бағытталған.

Қоғамдық қабылдауға келген тұрғындар мамандардың қолжетімді әрі пайдалы кеңестеріне ризашылықтарын білдіріп, мұндай кездесулердің жиі ұйымдастырылуын қолдайтындықтарын жеткізді.

Ш. АСАНҚЫЗЫ



АБАЙ

ЖОБАЛАР ІСКЕ АСУДА

Абай ауданының әкімі Мейіржан Серікбосынұлы аудандық маңызы бар Архат ауылы жолының 10–15 шақырымдық бөлігін орташа жөндеу жұмыстарының барысын тексерді.

Жол құрылысына жауапты мердігер — “Дерикар” ЖШС, ал техникалық қадағалауды “Техное-С” ЖШС жүргізуде. Қазіргі таңда жол төсемесінің негізі толықтай дайындалды. Алдағы күндері асфальт жабындысын төсеу жұмыстары басталады.

Сонымен қатар, ауылдық округ аумағында “Архат-Орда” қоғамдық қорының қолдауымен өрт сөндіру бекетінің құрылысы жүргізілуде. Құрылыс жұмыстары жақын күндері толық аяқталып, нысан пайдалануға беріледі.

Өткен жылы басталған тұрғындарды сапалы ауыз сумен қамтамасыз етуге бағытталған су құбырлары



жаңғырту жобасы да аяқталуға жақын. Аудан басшысы аталған нысанның құрылыс барысын көріп, мердігер ұйым өкілімен кездесті. Мердігерге жұмысты сапалы орындап, жылдамдатып іске қосуды тапсырды.

Жалпы, ауданның инфрақұрылымы

на тоқталсақ, Абай ауданында жолдар жүйесінің ұзындығы – 402,6 шақырым. Республикалық маңыздағысы – 70, облыстық маңыздағы – 247,6, аудандық маңыздағысы – 85 шақырымдық құрайды.

Өз тілшіміз

АҚСУАТ

ЖАҢА АЛЛЕЯ КӨЗ ТАРТПАҚ

Ақсуат ауылындағы Қабанбай көшесінің бойында көзтартарлық көрінісімен жаңа аллея құрылысы жалғасып жатыр. Абай облысының әкімі жақында Ақсуат өңіріне барған сапарында осы көпшілік орындары көріп, өз ойын ортаға салған еді.



«Бұл аллея тұрғындардың тынығуына қолайлы, балалардың бос уақытын тиімді өткізуге мүмкіндік беретін заманауи демалыс орны болмақ. Жақсы саябақ. Тура орталықта, жолдың бойында орналасқан. Балаларға арналған ойын алаңдары бар. Аудан орталығының көркін келтіріп тұр. Мердігерге жұмысты сапалы әрі мерзімінде аяқтауды тапсырамын», - деді аймақ басшысы.

Жаңа аллеяның жалпы ауданы – 7 мың шаршы метр. Құрылыс жұмыстары биылғы 15 маусымда басталған.

Аллеяда балалар алаңы салынған, енді жаяу жүргіншілерге арналған жолдар, орындықтар, жарық шамдары мен гүлзарлар, субұрқақ орнатылады. Сонымен қатар, көгалдандыру жұмыстары жүргізіліп, түрлі ағаштар мен сәндік бұталар отырғызылады. Құрылысқа 5 техника, 17 адам жұмылдырылған.

Аймақ басшысы аллеяны аралап көрген соң ауыл тұрғындарымен бірге ағаш көшеттерін отырғызды. Аллеяға 100 түп шырша және қарағай көшеттері егілді.

Еркежан ҚАЙСА

БЕСҚАРАҒАЙ

БАЙТОРЫ МЕН ШОЙЫНҚАРА ДАРА ШЫҚТЫ

Бесқарағай ауданының «Мукинов» шаруа қожалығының Байторы және Шойынқара жылқылары республикалық IV ат көрмесінде жүлделі бірінші орынға ие болды.

Аудан мақтанышына айналған Бесқарағай типтес Байторы мен Шойынқара аталық іздері 2022 жылы «Бесқарағай» деп аталатын қазақы жылқының жаңа типін қалыптастырған болатын. Генетикалық негізіне байланысты аталмыш жылқыларға Шойынқара және Байторы атаулары берілген. Олардың басты ерекшелігі – кез келген ауа райына төзімділігі, ірі денелі әрі етті-сүтті болуы. Тебіндегі айырлары 700 келіге, биелері 600 келіге дейін жетеді. Сонымен қатар, бұл жылқылар мініске де, жегіске де шыдамды.

Селекция жұмысына Алматыдағы Қазақ ұлттық аграрлық университеті мен Семейдегі Шөкәрім университетінің ғалымдары үлес қосты. Айта кетерлігі, қазақы жылқыларды будандастыру арқылы жаңа тип шығару ісі 1968 жылдан бастау алған.

Ш.ДОСКЕЕВА



БОС ОРЫНДАР ЖӨРМЕҢКЕСІ

Мансап орталығының ұйымдастыруымен Бесқарағай колледжінде жұмыс іздеушілерге арналған «Бос орындар жәрмеңкесі» ұйымдастырылды.

Іс-шараға Мансап орталығының директоры А.К. Курманғалиева және орталық мамандары, Бесқарағай колледжінің директоры А. Нұрғожин, «Семей орманы» ГЛПР Долон филиалының орман шаруашылығы директорының орынбасары Б. Құлранов, аудан әкімі аппаратының кадр бөлімінің басшысы А. Миятова, «Жастар ресурстық орталығы» КММ директоры А. Сабыров, сондай-ақ Бесқарағай аудандық бөлімінің пробацация инспекторы Ж. Әйкен қатысты.

Күн тәртібінде жастарға арналған мемлекеттік бағдарламалар – «Жастар тәжірибесі», «Алғашқы жұмыс орны», «Ұрпақтар келісімшарты» туралы ақпараттық-түсіндірме жұмыстар жүргізілді. Жынызда жұмыс берушілер тарапынан электронды еңбек биржасында жарияланған бос жұмыс

орындары таныстырылып, қатысушылардың қойған сауалдарына нақты жауаптар берілді. Сонымен қатар жұмыс іздеушілерге арналған ақпараттық үлестірме материалдары тартылды.

Жөрмеңкеге барлығы 37 адам қатысып, нәтижесінде 4 адам тұрақты жұмысқа, 1 адам уақытша жұмысқа орналастырылды.

«Бос орындар жөрмеңкесі» жұмыссыздық деңгейін төмендетуге және жастарды еңбекке тартуға ықпал ететін маңызды шара ретінде бағаланды. Алдағы уақытта мұндай кездесулер жүйелі түрде өткізіліп, жұмыс іздеушілер мен жұмыс берушілер арасында тиімді көпір болмақ.

Д.АУБАКИРОВА,

Мансап орталығының маманы



БОРОДУЛИХА

Ауданда жол инфрақұрылымын дамыту бағытында жүйелі жұмыстар жүргізілуде. Жалпы ұзындығы 718 шақырымдық құрайтын автомобиль жолдарының ішінде республикалық маңызы бар жолдар – 96 шақырым, облыстық маңызы бар жолдар – 272 шақырым, ал аудандық маңызы бар жолдар – 337 шақырым.

Бородулиха ауданының әкімі Айдар Ибраевтың айтуынша, республикалық маңызы бар «Семей – Ресей Федерациясының шекарасы» бағытының 19–46 шақырымдық бөлігінде ресайклинг әдісімен орташа жөндеу жүргізілген.

Бұл жұмыстар өңірлер арасындағы көлік қатынасын жақсартып, транзиттік әлеуетті арттыруға ықпал етеді. Облыстық маңызы бар жолдарда да бірқатар маңызды іс-шаралар жүзеге асырылды. «Воскресеновка» Петропавловка – Шелехово – Белағаш – Дмитриевка» бағыты бойынша шұңқырларды жамау жұмыстары атқарылды. Ал «Новопокровка – Петропавловка – Ресей Федерациясының шекарасы» жолының 20 шақырымдық бөлігіне күрделі жөндеу қажеттілігі туындап отыр. Сонымен бірге «Бородулиха – Жезкент» жолының 0–12 шақырымында орташа жөндеу жұмыстары жүріп жатыр. «Дмитриевка – Бородулиха – облыс шекарасы» бағытының бірнеше учаскесінде де жол жабындысын қалпына келтіру қолға алынған, - дейді аудан әкімі А. Маратұлы.

ЖЕЗКЕНТ МЕРГЕНДЕРІ - ЖЕҢІМПАЗ

Қазақ тарихында құралайды көзге атқан мергендер небір аңыздар бар. Кезінде жаудан қорғану мен аң аулауда қолданылған садақ ату бүгінде ұлттық құндылық пен денсаулықты ұштастырған спорт түріне айналып отыр. Бұл спортқа қызығушылық танытып, тұрақты айналысатын жастардың қатары да ортуда.

Бородулиха ауданы Жезкент қаласында садақ ату спорты ерекше қарқынмен дамып келеді. Бұл спорт адамның қырағылығын арттырып, дене сымбатын қалыптастырады, жүйкені шынықтырып, төзімділікке тәрбиелейді. Әсіресе балалар үшін зейінді арттырып, көру қабілетін жақсартуға септігін тигізеді, сондай-ақ ІТ құрылғыларына тәуелділікті азайтуға көмектеседі.

Жезкент мергендер клубы 2023 жылдан бері жұмыс істеп келеді. Оның негізін қалаушы әрі жаттықтырушысы – Тілеген Асқарұлы Сұлтанов. Қазіргі таңда клубта жасы 8-ден бастап 41-ге дейінгі спортшылар дайындалуда. Жалпы 11 бала және бірнеше ересек мерген бар. Балаларға жаттығулар аптасына үш рет өтсе, ересектер өз мүмкіндігіне қарай дайындалады.

Садақ ату – ұлтымыздың асыл мұрасы әрі денсаулыққа пайдалы спорт түрі. Ұлттық өнерге деген жанаашылық мені осы спорт түріне жетеледі. Маған садақ ату тәсілін үйреткен – Дулат Құрметұлы. Ең алғаш «Пищевик» стадионында садақ атуды көрген сәтте-ақ қызығушылығым оянда. Сол күннен бастап бұл спортқа жақын тартып, өзім де үйренуге ден қойдым. Уақыт өте келе садақ атуға деген құлшынысым артып, Жезкенттен чемпиондар тәрбиелеуді басты мақсатым еттім, - дейді Т. Асқарұлы.

Жас мергендер қазірдің өзінде жақсы нәтижелерге қол жеткізе бастады. Өткен



жылы Диас Назарбеков пен Айсултан Нұртаев спорт шеберлігіне кандидат атанса, биыл Аружан Рахимжанова Қазақстан чемпионы болды.

Бұл – Абай облысының абыройын асқақтатқан жетістік.

Сондай-ақ, биылғы 17–18 қыркүйекте өткен VIII «Ақ би-

дай» республикалық ауыл спорты ойындарында жезкенттік мергендер үлкен жеңіске жетті. Әйелдер арасында Кундыз Канапиянова 50 метрлік қашықтықта I орын иеленсе, ерлер арасында Азамат Егібәев II орынға, Тілеген Сұлтанов V орынға, Дархан Балпанов VI орынға

жолдардың ұзындығы 337 шақырымдық құрайды, олардың 74,2 пайызы жақсы және қанағаттанарлық жағдайда. Қазіргі таңда «Новопокровка – Белағаш» және «Бородулиха – Жерновка – Поллог» бағыттарында жөндеу жұмыстары жүргізілуде.

«Ауыл – ел бесігі» бағдарламасы аясында Песчанка және Зенковка ауылдарының көшелері жаңартылып, аудандық бюджет есебінен Бородулиха, Новопокровка, Зубаир және Новая Шульба ауылдарында да тиісті жұмыстар атқарылып жатыр.

қол жеткізді.

Дегенмен, клубтың алдында әлі де шешімін күтетін мәселелер бар. Жаттығу орны небары 30 шаршы метрді ғана құрайды, құрал-жабдықтар да жеткіліксіз. Ата-аналар садақ пен оқты өз қаражаттарына сатып алады. Соған қарамастан, демеушілердің қолдауының арқасында көптеген жарыстарға қатысып, табысқа жетіп отыр.

- «Мергендер клубы аудан көлемінде тек Жезкентте ғана жұмыс істейді. Балалардың үйренуге деген құлшынысы ерекше, олар әр жаттығуға қызығушылықпен қатысады. Ата-аналар да бұл бастаманы қуаттап, балаларының ұлттық спортқа бет бұруына қолдау көрсетуде. Егер садақ ату секілді спорт түрі кеңірек дамытылып, өзге ауылдарда да клубтар ашылса, аудан көлемінде шынайы бәсекелестік орта қалыптасып, талай таланттар жас мергендер түлеп шығар еді», - дейді Тілеген Асқарұлы.

Жаттықтырушы өз сөзінде, аудандық рухани құндылығы мен ұлттық кодының бір бөлігі. Осы құндылықты жаңғыртып жүрген Жезкент мергендерінің жеңістері тек ауданның ғана емес, бүкіл Абай облысының мәртебесін асқақтатқан үлкен табыс екені сөзсіз.

Шайза ДОСКЕЕВА

АЯГӨЗ

Шұбартау өңіріндегі О. Меңаяқұлы атындағы орта мектептің 9-сынып оқушысы Бейсен Бертан сыныптағы тазалықты жеңілдетуге арналған шағын құрылғы құрастырды. Тазартқыш қалақ парта үстіндегі, едендегі ұсақ қоқыстарды, қағаздарды және шаңды тез жинайды.

БЕРТАННЫҢ ТАЗАРТҚЫШ ҚҰРАЛЫ

«Әдетте сыныпта еден жуылады, бірақ қоқыс сыпырылмайды. Сол себепті парта арасында ұсақ қоқыс жиналып қалады. Мен осы мәселені шешкім келді», - дейді оқушы.

Құралдың сызбасын өзі қағазға түсіріп, батарея мен қосқыштың орнын анықтады. Корпусын пластик қораптан жасап шықты. Ішіне айналмалы щетка орнатып, қозғалтқышты батарея арқылы іске қосты. Құралды мектеп жағдайында сынақтан өткізіп, сынып ішінде қолданып көрді. Бұл тәжірибе оған тұрмыстық қалдықты қайта пайдалану жолын, электр тізбегін жинауды және шығармашылық ойды дамытуды үйретті. Жетекшісі – Құралай Ералы.

«Алдағы жоспарым – құралды жетілдіріп, қуатын арттыру. Сонда ол басқа сыныптарда да қолдануға ыңғайлы болады», - дейді Бертан.



МАЙЛИНДЕ «АУЫЛ ҚҰТҚАРУШЫЛАРЫ» БАР

«Ауыл құтқарушылары» бағдарламасы аясында ашылған жаңа нысан ауыл тұрғындарының қауіпсіздігін қамтамасыз етуге бағытталған.



Өрт сөндіру бекетінде 1 өрт сөндіру көлігі, 1 жүргізуші және 3 қызметкер жұмыс істейді. Майлин ауылдық округі Аягөз қаласынан 25 шақырым қашықтықта орналасқан. 2025 жылғы ресми мәлімет бойынша округте 592 адам тұрады. Елді мекеннің негізгі кәсібі – мал шаруашылығы. Қазіргі таңда округ аумағында 48 шаруа қожалығы жұмыс істейді. Аталған бастама ауылдық округ тұрғындарының қауіпсіздігін күшейтіп қана қоймай, жергілікті шаруашылықтардың тұрақты дамуына да оң ықпал етпек.

«ST-ақпарат»

ЖАРМА

ТАЛАПТЫ КҮШЕЙТУ ҚАЖЕТ

Жарма ауданы әкімдігінің кезекті отырысында бірқатар маңызды мәселелер қаралды.

Отырыста қоғам мен тұрғындардың әл-ауқатына тікелей әсер ететін салалар бойынша баяндамалар мен ақпараттар тыңдалды.

Басты мәселелердің бірі – отбасының цифрлық картасындағы Д. Е сатындағы азаматтармен жүргізілген әлеуметтік жұмыстар болды. Бұл бағытта атқарылған жұмыстар туралы Жұмыспен қамту және әлеуметтік бағдарламалар бөлімінің басшысы Ринат Нұрахметұлы Касенов баяндама жасады.

Инженерлік инфрақұрылым мәселелері де назардан тыс қалған жоқ. Әуезов және Шуақ елді мекендеріндегі көп қабатты үйлердің жертелелеріндегі тозығы жеткен жылу жүйелеріне ағымдағы жөндеу жүргізу қажеттілігі жөнінде ақпарат ұсынылды.

Жастар саясатын жүзеге асыру бойынша 2025 жылдың 9 айында атқарылған жұмыстар туралы ішкі саясат бөлімінің басшысы Дина Жасұланқызы Ауспаева есеп берді.

Сонымен қатар, аудандағы тазарту қондырғылары мен қалдықтарды жинау, өңдеу, тасымалдау және көму бойынша санитариялық-эпидемиоло-



гиялық талаптарды сақтау мәселелері талқыланып, бақылауды күшейту қажеттігі айтылды.

Аудан әкімдігі тарапынан көтерілген барлық мәселе — тұрғындардың өмір сүру сапасын жақсарту және қауіпсіздігін қамтамасыз етуге бағытталған.

Аудан әкімі Нұрлан Борсықбаев бақылауды күшейтіліп, талаптар қатаңдалатынын ескертті.

БІРЛІКТЕ ДЕ ЖОЛДАР ЖАҢАРТЫЛУДА

Бірлік ауылдық округінде тұрғындардың өмір сүруіне қолайлы жағдай жасау бағытында жүйелі жұмыстар жалғасуда. Соның ішінде ең өзекті мәселелердің бірі – жол инфрақұрылымын жақсарту. Ауыл аумағындағы Ақбұзау – Бірлік бағытындағы аудандық маңызы бар жолда грейдерлеу жұмыстары жүргізіліп, жолдың тегістелуі қамтамасыз етілді.



Бұл шара көлік қозғалысын жеңілдетіп қана қоймай, ауыл тұрғындарының аудан орталығымен және көршілес елді мекендермен қатынасын жақсартуға зор мүмкіндік беріп отыр. Ауылшілік көшелер де назардан тыс қалмады. Жол жөндеу жұмыстары тек аудандық жолмен шектелген жоқ.

Бірлік ауылының ішкі көшелерінде де грейдерлік жұмыстар атқарылып, жолдар қалпына келтірілді. Жаңартылған жолдар ауылшілік қатынасты жеңілдетіп, тұрғындардың тұрмыс сапасын арттыруға ықпал етуде. Әкімдік үшін басым бағыттардың бірі болған жол инфрақұрылымын жетілдіру – жергілікті әкімдіктің басты назарындағы жұмыстардың бірі. Тиісті шаралар тұрғындардың өтініш-тілектеріне сай қолға алынып, жоспарлы түрде жүзеге асуда.

Жоспарлы жұмыстар әлі де жалғаса бермек. Жергілікті билік өкілдерінің айтуынша, алдағы уақытта да ауыл жолдарын жөндеу және күтіп-баптау бағытындағы шаралар тұрақты түрде жүргізілетін болады. Бұл ауылдың әлеуметтік-экономикалық дамуына оң серпін беріп, халықтың тұрмыс деңгейін жақсартуға септігін тигізбек.

Өз тілшіміз

ҮРЖАР

Үржар ауданында халықтың әлеуметтік жағдайына қатысты өзекті мәселелерді шешу мақсатында жүйелі жұмыстар жалғасуда. Осыған орай аудан әкімінің міндетін атқарушы Серік Тлемесов тұрғындармен жеке қабылдау өткізіп, олардың өтініш-тілектерін тыңдады.

ТҰРҒЫНДАР МӘСЕЛЕСІ НАЗАРДА

Кездесуде ауыл тұрғындары күнделікті өмірде аса маңызды саналатын мәселелерді ортаға салды. Атап айтқанда, тұрғын үймен қамту, ауыз су сапасы мен қолжетімділігі, жолдарды жөндеу, жұмыспен қам-



ту және әлеуметтік қолдау тақырыптары көтерілді. Өрбір сұраққа тиісті түсініктемелер беріліп, жауапты сала басшыларына нақты тапсырмалар жүктелді.

Жедел шешімін табатын мәселелер сол жерде қарастырылды. Ал қалған кешенді жұмыстардың кезең-кезеңімен жүзеге асырылатыны атап өтілді. «Халықтың әрбір өтініші назардан тыс қалмайды. Біз үшін ең бастысы – тұрғындардың мұң-мұқтажына құлақ асып, оны шешу жолдарын табу», – деді С. Тлемесов.

Жеке қабылдаулар – билік пен халық арасындағы сенімді байланыстың айқын көрінісі. Мұндай кездесулер тұрғындардың көкейінде жүрген мәселелерін тікелей жеткізуге мүмкіндік берсе, жергілікті билік өкілдеріне нақты жағдайды жедел бақылауға алуға жол ашады.

Аудан әкімдігінің мәлімдеуінше, алдағы уақытта да осындай кездесулер тұрақты түрде өткізіліп, халықпен ашық әрі жүйелі байланыс жалғасын табатын болады.

АУЫЛШАРУАШЫЛЫҚ ӨНІМДЕРІ САУДАЛАНДЫ

Қолжетімді баға – халыққа үлкен қолдау. Жәрмеңкеде ауылшаруашылық өнімдері нарықтағы бағадан 10-20% төмен бағада ұсынылды. Мәселен, жылқы еті – 1 кг үшін 2800 теңге, ірі қараның сан еті – 2900 теңгеден сатылды. Бұдан бөлек, сүт өнімдері, нан-тоқаш тағамдары, көкөніс және тұрмысқа қажетті басқа да тауарлар да қолжетімді бағамен тұрғындарға ұсынылды. Аталған өнімдерге халық арасында да сұраныс жоғары.

Жәрмеңке басталысымен-ақ ауыл тұрғындары сапалы әрі жаңа өнімдерді қуана сатып алды. Қолайлы баға мен өнімнің табиғилығы – жәрмеңкенің басты артықшылығы болып отыр. Мұндай жәрмеңке – дәстүрлі шараға айналды деуге де болады.

Ұйымдастырушылардың айтуынша, мұндай жәрмеңке әр аптаның сенбі күндері өткізіліп келеді. Бұл ауыл тұрғындары үшін тұрақты әрі тиімді сауда алаңына айналып, жергілікті шаруаларға да өз өнімдерін тікелей халыққа ұсынуға жол ашып отыр. Әлеуметтік маңызы зор іс-шарада тек өнім саудасын ұйымдастырумен шектелмей, ауылдың әлеуметтік-экономикалық дамуына үлес қосып отыр. Халықтың тұрмысын жеңілдету, отандық өнімді қолдау – мұндай бастамалардың басты мақсаты болып табылады.

«ST»-ақпарат

Үржар ауылында Бестерек ауылдық округінің кезекті ауылшаруашылық жәрмеңкесі жоғары деңгейде ұйымдастырылды. Бұл шара дәстүрге айналып, тұрғындардың қажеттілігін өтеуде маңызды рөл атқарып келеді.



ЖАҢАСЕМЕЙ

Айнабұлақ ауылдық округіне қарасты Самай ауылында заманауи байланыс жүйесін дамыту бағытында маңызды қадам жасалуда. Елді мекенде Starlink интернет желісін орнату жұмыстары жүргізілді.

STARLINK ОРНАТЫЛДЫ

Starlink желісі толықтай іске қосылған соң ауыл тұрғындары жоғары жылдамдықтағы интернетке қол жеткізеді. Бұл өсіресе оқушылардың онлайн білім алуына, жастардың жаңа технологияларды меңгеруіне және кәсіпкерлердің жұмысын оңтайландыруға айтарлықтай мүмкіндік бермек.

Ауылдық жерде интернеттің әлсіздігі бұған дейін көптеген қиындық туғызғаны белгілі. Енді Starlink желісінің көмегімен Самай ауылы цифрлық даму бағытына қадам басып, заманауи инфрақұрылымға бір табан жақындайды.

Жергілікті тұрғындар интернеттің қолжетімді әрі сапалы болуы ауылдағы әлеуметтік, мәдени және экономикалық өмірге оң ықпал ететініне сенімді. Өсіресе жастар үшін қашықтан білім алу мен түрлі онлайн мүмкіндіктерді пайдалану жеңілдей түспек.



КӨКПЕКТІ

ЖАС САЙЛАУШЫЛАР КЛУБЫ ҚҰРЫЛМАҚ

Көкпекті ауданының аумақтық сайлау комиссиясы Көкпекті аудандық жастар ресурстық орталығымен бірлесіп ауданда жастардың сайлау белсенділігін арттыру, олардың құқықтық мәдениеті мен азаматтық жауапкершілігін дамыту мақсатында Жас сайлаушылар клубын құруға байланысты жиын өткізді.

Жиынға аудандық жастар ресурстық орталығының мамандары, мекеме, бөлімдердің, мектептердің жас мамандары мен ұстаздары, жоғары сынып оқушылар қатысып, жас сайлаушылар клубы құрылып, ережесі бекітілді.

Сондай-ақ, клуб қызметін ұйымдастыру бойынша ынтымақтастық Меморандумына екі жақты қол қойылып, іс-шаралар жоспары бекітілді. Жастар сөз алып, Көкпекті ауданының аумақтық сайлау комиссиясының және клуб жұмысына әрдайым қолдау білдіретіндіктерін жеткізді.

Фархат МАРАТҰЛЫ

МАҚАНШЫ

ҚҰРЫЛЫС ӨКІМ БАҚЫЛАУЫНДА

Аудан әкімі Дәурен Бақытжанұлы «Бақты–Аягөз» темір жолының құрылысына қатысты жұмыс барысын талқылады.



2025 жылғы 21 қыркүйекте Мақаншы ауданының әкімі Дәурен Бақытжанұлы Қойгелдин «Бақты–Аягөз» темір жолының құрылысы бойынша ұйымдастыру және іске асыру жұмыстарының барысын талқылады.

Кездесу барысында құрылысқа жауапты мекемелер мен мердігер ұйымдардың өкілдерімен бірлесіп, жұмыс кестесі, логистикалық мәселелер және жұмыс күшін тарту, инфрақұрылыммен қамтамасыз ету жайы қаралды.

Аудан әкімі темір жол жобасының стратегиялық маңызына тоқталып, оның аудан экономикасына оң әсер ететінін атап өтті. Сонымен қатар, жұмыс сапасының жоғары деңгейде болуын, еңбек қауіпсіздігі талаптарының сақталуын және белгіленген мерзімде аяқтауды қамтамасыз ету бойынша нақты тапсырмалар берілді.

ШЕТЕЛДІК АЗАМАТ ЕМДЕЛДІ

Мақаншы аудандық ауруханасында италиялық азамат ақ халатты абзал жандардың көмегімен сауығып шықты.

Шетелдік азамат көрсетілген кәсіби және адамгершілік көмекке шынайы ризашылығын білдіріп, кәсіби білікті дәрігерлерге жүрекжарды алғысын жеткізді.

«Құдай маған өмірімді сақтап қалған адамдарға жол көрсетті. Сол үшін бас дәрігер Өз-Жәнібек Көкенге және хирург-дәрігер Дархан Ақылбековке, сондай-ақ осы керемет аурухананың барлық қызметкерлері мен медбикелеріне алғыс айтамын. Қазақстан – маған өмір сыйлаған екінші Отаным болды десем, артық айтпаспын», – деді ол. Белгілі

болғанындай, бұл азамат Көктерек ауылының күйеубаласы екен.

Бастысы, қай елдің азаматы болсын, күтпеген жерден денсаулығы сыр берсе, көмек көрсету дәрігердің антына адалдығын білдірері сөзсіз. Осы орайда Мақаншы ауданы әкімдігі аудан тұрғындары мен қонақтарының денсаулығы – әрдайым басты назарда екенін берік ұстанады. Ел азаматтары мен шетелдік қонақтарға сапалы медициналық қызмет көрсету – ауданның әлеуметтік дамуының маңызды бағыты.

Еркежан ҚАЙСА



КЕЛБЕТ

Жалпы қазақ ұлты, әсіресе ұлт зиялылары небір қиыншылықтарды басынан кешіргенін ұмытуға әсте болмайды. Әкімшіл-әміршіл жүйемен аштық кезінде Торғай ашыққандарына көрсеткен жәрдемі үшін жалған айып тағылып, басына іс түскенде алаш ардақтысы Ж.Аймауытов «Басқа табар елім жоқ. Ел заңына бағынбауға болмайды. Егер халқымның заң-ғұрпы мені айыпты десе, амалым не?» - деп туған ұлтынан бас тартпағанын тарихтан білеміз.

АДАМДЫҚТЫҢ ЕҢ БИІГІ - ЕЛГЕ ҚЫЗМЕТ ЕТУ

Ату жазасына кесілген кезінде де: «Артымда қыруар елім бар, өлсем де денеммен өлмен», - деп қазақ ұлтына, оның кемел болашағына зор үміт артты. Иә, осындай солақай саясаттың неше мәрте құрбаны болса да, рухы мықты қазақ ұлты еңсесін түсірген жоқ. Егемендігін алып, қастерлі алтын заңын алдыға салып, жұрт қатарлы тірлік етуде. Бесқарағай ауданындағы Беген ауылында да жоғарыдағыдай бабаларының үмітін ақтап, зиялылықтың қатарын жалғастырып жүрген ұл-қыздарымыз қаншама.

Солардың бірі - кешегі Беген орта мектебінің түлегі, Абай облыстық ауданаралық экономикалық сотының судьясы Айтжамал Темірханқызы Молдағожина.

Марқұм Темірхан ата - соғыс ардагері. Мектепте талай рет мерекелік, тақырыптық кештерге шақырғанымда, еш бұлдық-сыз келіп, соғыс зардабын көзбен көріп тұрғанымыздай асқан дәйектілікпен айтып беруші еді...

«Өмірде әділ, шыншыл болыңдар. Адал қызмет етіңдер. Айтжамал қызым заңның оқуын қалады. Аманшылық болса, мықты заң қызметкері болады», - деп әкелік айбар мен шынайы сөзімділікпен айтқаны әлі есімде.

Қан майданды көзімен көргендіктен де болар, әр сөзін Бауыржан атамиз сияқты нық айтатын.

Атамыз айтса, айтқанындай, Айтжамал Темірханқызы аулымыздан шыққан алғашқы «сот қызымыз» деп айтсақ та орынды. А.Т. Молдағожина 1988 жылы С. Киров атындағы мемлекеттік университетін құқықтану мамандығы бойынша бітірген. Кәсіби еңбек қызметін 1988 жылдың қазан айынан бастап, Семей облысы Бесқарағай аудандық атқару комитетінің заңгері болып бастаған. Судьялық еңбек жолын 1997 жылдың маусым айынан бастап Шығыс Қазақстан облысы Бесқарағай аудандық судьясы, Катонқарағай аудандық сотының төрағасы, Семей қалалық сотының судьясы, Семей қаласының мамандандырылған ауданаралық әкімшілік сотының төраға-



сы қызметтерін атқарған. Судья лауазымындағы еңбек өтілі 28 жылдан астам. Сот жүйесінде ұзақ жылдар бойы жұмысы мен сот төрелігін жүзеге асыру кезіндегі мінсіз адал қызметі үшін А.Т. Молдағожина Қазақстан Республикасының Конституциясына 20 жыл) мерекелік медалімен, I және II дәрежелі «Сот жүйесінің үздігі» медалімен, «Қазақстан Республикасы Судьялар одағының «Үш би» Құрмет белгісімен, Құрмет грамотасымен, Алғыс хатымен, Шығыс Қазақстан, Абай облыстық сотының алғыс хаттарымен марапатталған. А.Т. Молдағожина судьялық қызметті атқарған кезеңде судья алтын адал болды.

Темірхан ата мен Сақан апаласы екеуі де әке-шешеден ерте қалып, нағашыларының тәрбиесінде болады. Атамыз төрт сыныптық білімімен соғыстан кейін агроном, ауылшаруашылығында бригадир болып, анамыз екеуі жеті баланы өсіріп, ең бастысы, бәрінің де жоғары білім алу-

ларына ықпал етеді. Үлкені Майсара музыка мамандығымен Алматыда домбыра цехында, Гүлсағира мен Марияшы медицина саласында еңбек етеді, Мұратбегі КАЗГУ-дың математика факультетін бітірген, Астанада қызметте. Қуанышбегі - Қазақстан Республикасының ұлттық комитетінің Шекара қызметінің запастағы офицері. Айгүлі - сауда саласында жеке кәсіпкер. Немерелері Данияр Беген орта мектебін алтын медальға бітіріп, сот мамандығымен Бородулиха ауданының судьясы, Мақаншы, Тарбағатай, Қорғалжын аудандық соттарының төрағасы қызметінде болған. Қазір Астанада Қосшы қаласының судьясы, жолдасы Әсемгүл Жоғары Сот Кеңесінде қызметте. Немересі Руслан - Семей қаласының әкімшілік құқық бұзушылық сотында қызметте, немере келіні Әсия әділет басқармасында, Райгүлі - қорғаушы-адвокат. Назгүл Семейдің № 33 мектебін алтын медальға бітірген. Астанада заң қызметкері, Шөбересі Айгерім де мектепті алтын медальға бітірген. Астанада заң қызметкері. Диана, Бейбіт, Темірлан ІТ саласында. Көріп отырғанымыздай, білімдер отбасының заң саласында халыққа мінсіз қызмет етіп отырғандары айдан анық.

Ата-ана назарына ілініп, әулетке туысты ынтымақтастықтың үлкен үлгісін көрсете отырып, кәсіби мамандығының хас шебері атанған Айтжамал қызымыздың биылғы мерейлі отыз жылдықтың қорытындысы бойынша «Жеті жарғы» төсбелгісін де иеленуі - сот қызымыздың әділдік айнасындағы тағы да келісті келбетін танығандаймыз.

«Бесқарағай ауданының құрметті азаматы» атына лайықты, ел үмітін ақтаған, елінің ерке қызы Айтжамал Темірханқызының халыққа қызмет ету жолында әлі де алар асулары биіктей берсін дегім келеді.

Самал АБДРАХМАНҚЫЗЫ, Бесқарағай аудандық қоғамдық кеңесінің мүшесі

САҚ БОЛЫҢЫЗ!

Құтыру – жүйке жүйесінің ауыр зақымдануымен сипатталатын вирустық ауру. Аурудың аяғы өлімге апарып соқтырады. Құтыру ауруымен жылы қанды жануарлардың барлық түрлері аурады, оның ішінде үй жануарлары да ауырады. Мұның салдары ауыл шаруашылығына да орасан зор зиян алып келеді.

Бұл аурумен адамның да ауыратындығы оның аса қауіпті ауру екенін көрсетеді. Сонымен қатар ауру ошақтарын жою үшін жүргізілетін ветеринариялық іс-шараларға да қыруар қаражат жұмсалатыны белгілі.

Аталған дерт негізінен күзде, қыстың аяғында және көктемде, яғни кезеңдік сипатта өршуі мүмкін. Құтырудың қоздығыштарының негізгі көздері – жабайы жыртқыш аңдар және қаңғыбас иттер мен мысықтар болып табылады. Негізінен мал ұстаумен, асыраумен айналысатын, елді-мекендерден шалғай орналасқан шаруашылық малдары мен күзет иттері ауруды қасқыр, қарсақ, түлкі сияқты жабайы аңдардан жұқтырады. Ал елді мекендердегі ауылшаруашылық малдарына ауруды негізінен қаңғыбас иттер мен мысықтар жұқтыратыны белгілі. Құтыру адамға да малға да ауру жануарлардың сілекейі арқылы жұғады, бұл әсіресе құтырықпен аурып жүрген жабайы

АСА ҚАУІПТІ ДЕРТ

йы аңдар мен ит-мысықтар тістеп алған кезде орын алады. Құтыру әдетте агрессивті немесе тыныш түрде өтуі мүмкін. Агрессивті түрінде ауырған жануарлар маңайындағы жануарларға, адамдарға жүгіреді, мысалы ірі қара малдарында мелгіссіз мөңіреу, қабырғаларды сүзу, жұтқыншақ бұлшық етінің, артқы аяқтарының жанысқандануы сияқты белгілермен қатар аузынан сілекей ағу, көздерінің қызаруы сияқты белгілер пайда болады. Құтыру ауруынан жануарларды қорғаудың ең негізгісі-ол жануарларды құтырық ауруына қарсы екпеден өткізу болып табылады. Бұл ауруға қарсы ауылшаруашылық малдары үшін сайын құрылатын ветеринариялық-профилактикалық іс-шаралар жоспарына сәйкес екпелерден өтеді, ал қасқыр, түлкі, қарсақ сияқты жабайы жануарлар далаға

апарылып қойылған арнайы брикеттермен қоректену арқылы вакцинациядан өтеді. Осы іс-шараларды атқару кезінде ветеринария саласы мамандарына тұрғындардың қолдауы өте қажет болады. Малдәрігерінің жасаған ескертуінен кейін, мал басын толық екпеден өткіздірту, мал ауырғанда оны уақытында оқшаулап, бұл туралы малдәрігеріне жедел хабарлау әрбір тұрғынның басты міндеті болып табылады. Сонымен қатар шаруашылықтардағы азаматтардың, жеке үйлердегі тұрғындардың жануарларды, әсіресе ит-мысықтарды ұстау тәртібін бұлжытпай орындау да міндетті болып табылады. Егер мал ұстаумен айналысатын әрбір азамат жоғарыда аталған міндеттемелерін уақытында, дұрыс орындайтын болса бұл өз кезегінде аурудың алын алуға, оны болдырмауға үлкен септігін тигізетіні анық. Аталған іс-шаралардың бәрі халықтың және олардағы ауылшаруашылығы жануарларының қауіпсіздігін қамтамасыз ету үшін жасалып отырған іс-шаралар екенін ешқашан ұмытпауымыз керек.

К.ҚҰРЖАНБАЕВ, ҚР АШМ ВБЖҚ Комитетінің Көкпекті аудандық аумақтық инспекциясының бас маманы



ТИІСТІ АУМАҚТАҒЫ ЭПИЗООТИЯЛЫҚ ЖАҒДАЙДЫ БАҒАЛАУДЫ ЕСКЕРЕ ОТЫРЫП, ТІРІ МАЛДАРДЫҢ ЭКСПОРТЫ, ИМПОРТЫ КЕЗІНДЕ РҰҚСАТ БЕРУ МЕМЛЕКЕТТІК ҚЫЗМЕТІН КӨРСЕТУ ТӘРТІБІ

Аталған мемлекеттік қызмет Қазақстан Республикасы Ауыл шаруашылығы министрінің 2014 жылғы 9 желтоқсандағы № 16-04/647 бұйрығымен бекітілген «Тиісті аумақтағы эпизоотиялық жағдайды бағалауды ескере отырып, орны ауыстырылатын (тасымалданатын) объектілердің экспортына, импортына және транзитіне рұқсат беру қағидалары» негізінде көрсетіледі.

Мемлекеттік қызмет көрсету үшін көрсетілетін қызметті алушы ҚР АШ Министрінің 2014 жылғы 9 желтоқсандағы № 16-04/647 бұйрығымен бекітілген орны ауыстырылатын (тасымалданатын) объектілердің экспортына, импортына және транзитіне рұқсат беру қағидаларының 3-қосымшасына сәйкес нысан бойынша көрсетілетін қызметті алушы қағаз түріндегі өтініш ұсынады.

Мемлекеттік қызмет көрсету үшін көрсетілетін қызметті алушыдан өтінішпен бірге мынандай құжаттар талап етіледі: 1. Экспорттаушы немесе импорттаушы өлмен берілген асыл тұқымды малдың әрбір басқа куәлігі;

2. Экспорт кезінде зертхананың сараптама актісі; Осы құжаттар толық болғанда және объектінің шыққан жерінің (қаланың, ауданның, ауылдың) эпизоотиялық жағдайын, импорттаушы елдің ветеринариялық талаптарын, объектінің сипаттамасын ескере отырып тасымалданатын объектіні экспорттау немесе импорттау мүмкіндігі қарастырылады. Орны ауыстырылатын (тасымалданатын) объектілердің экспортына, импортына арналған рұқсат - 2 (екі) жұмыс күн ішінде

берілуі тиіс. Мемлекеттік қызмет көрсетуден бас тарту үшін негіздер: көрсетілетін қызметті алушының мемлекеттік көрсетілетін қызметті алу үшін ұсынған құжаттарының немесе олардағы деректердің дұрыс еместігінің анықталуы, орны ауыстырылатын (тасымалданатын) объектінің, көлік құралының, мемлекеттік қызметті көрсету үшін қажетті деректер мен мәліметтердің қағидаларда белгіленген талаптарға сәйкес келмеуі; көрсетілетін қызметті алушыға қатысты оның қызметіне немесе жекелеген қызмет түрлеріне тыйым салу туралы соттың заңды күшіне енген шешімінің болуы. Сонымен қатар тасымалданатын объектінің шығатын жеріндегі жұқпалы аурулар бойынша эпизоотиялық жағдайдың қолайсыздығы және импорттаушы елдің ветеринариялық санитариялық талаптарын орындауға мүмкіндіктің жоқтығы дәлелді бас тартуға негіз болады.

Мемлекеттік қызметті көрсету тегін. Көрсетілетін қызметті берушінің жұмыс кестесі - демалыс және мереке күндерін қоспағанда, дүйсенбіден бастап жұманы қоспағанда, сағат 13.00-ден 14.30-ға дейінгі түскі үзіліспен сағат 9.00-ден 17.00-ге дейін. Өтініш демалыс (сенбі және жексенбі) және мереке күндерінен басқа сағат 17.00-ден кейін келіп түскен жағдайда мемлекеттік көрсетілетін қызмет келесі жұмыс күнінде көрсетіледі.

Ғ.МӘКЕНОВ, ҚР АШМ ВБЖҚ Комитетінің Көкпекті ААИ бас маманы

ЖҰМЫСШЫ МАМАНДЫҚТАРЫ ЖЫЛЫ КӘСІПТІК ОҚУДЫ АЯҚТАДЫ

Қысқа мерзімді оқуға жолдаудағы негізгі мақсат – жұмыссыз азаматтардың кәсіби біліктілігін арттырып, оларды еңбек нарығында сұранысқа ие мамандықтарға даярлау.



Жаңа мамандық меңгерген азаматтар тұрақты жұмысқа орналасуға мүмкіндік алып, өңірдің кадрлық әлеуетін арттыруға үлес қосады. Осы бағытта аудандық Мансап орталығымен жоспарлы жұмыстар жүргізілуде.

2025 жылы 16-шы маусымда жұмыс берушілердің Мансап орталығына берген өтінімдеріне сәйкес, 15 адам «Ветеринарлық санитар» мамандығы бойынша аудандық Бесқарағай колледжіне қысқа мерзімді кәсіптік оқуға жолданды. Оқу барысында кәсіптік оқуға қатысушылар теориялық және тәжірибелік білім алып, шаруа қожалықтарының базасында тәжірибелік дағдыларын шыңда-

ды. Ағымдағы жылдың 16 қыркүйегінде қысқа мерзімді оқуды тәмамдаған 15 қатысушыға салтанатты түрде куәліктері табысталды.

Аталмыш шараға Еңбек мобильділігі орталығы директорының орынбасары Г. Шауқарова, көші-қон және оқу бөлімінің басшысы Г.С.Уалгазина, Мансап орталығының директоры А. Құрманғалиева, Бесқарағай колледжінің директоры А.Нұрғожин қатысып, ізгі тілектерін білдіріп, сәттілік тіледі.

А.Т.АХМЕТОВА, Мансап орталығының маманы

ЕҢБЕК АДАМЫНА ҚҰРМЕТ

Абай облысында Еңбек күніне және Жұмысшы мамандықтары жылына орай ерекше шара ұйымдастырылды.

Гүлім ЗАМАНБЕКҚЫЗЫ, «Semei tanu»

Олай дейтініміз Абай облыстық еңбек мобильдік орталығы қаламыздағы Мұқан Төлебаев атындағы музыкалық училищесімен бірлесіп отырып, қоғамдық көлік жүргізушілеріне арнап әсем әннен шашу шашты. Сондай-ақ, қоғамдық көлік жүргізушілеріне сәл де болса ауқаттанып алуы үшін жеңіл тағамдар да ұсынылды. Өннен шашу шацқан оқу орнының көркемдік жетекшісі Тынышгүл Ақайқызы мен студенттері жолаушыларды да тамаша көңіл-күйге бөледі.

Шара Еңбек күні мен Жұмысшы мамандықтар жылы аясында ұйымдастырылды. Мұндағы басты мақсаты — қоғамдық көлік жүргізушілерінің еңбегін дәріптеп, олардың қоғамдық өмірдегі рөлін айрықша атап көрсету. Бұл игі бастама – еңбегі еленбей жүрген жандарға деген құрмет көрсетудің бір көрінісі. Таңнан кешке дейін қала тұрғындарының игілігі үшін қызмет атқарып жүрген жүргізушілерге көңіл-күй сыйлау мақсатында ұйымдастырылған шара жұртшылық тарапынан да зор ықыласқа ие болды. Тынышгүл Ақайқызы мен студенттерінің салған әуезді әніне автобустағы әрбір адам риза болып, өздерінің алғыстарын жеткізді. Тіпті, жолаушылардың бірі өзінің ұлының туған күніне деген құттықтау әні жолдаса деп қолқа салды. Ал, көліктегі басқа жолаушылар болса, жүздеріне күлкі ұялап, қол соғып, күздің қоңыр салқынында көңілдері көтеріліп әнді бірге шырақап отырды.

– Еңбек – қоғам дамуының басты тірегі. Бүгінгі іс-шарамыз арқылы қарапайым еңбек адамдарының еңбе-



гін бағалап, құрмет көрсеткіміз келді. Сол үшін Абай облыстық еңбек мобильдік орталығының қолдауымен жан-жақты ұйымдастырдық. Тек әсем ән салып қана қоймай қоғамдық көлік жүргізушілерінің көңілін бір көтеріп қою мақсатында аздаған ас-ауқатта ұсындық. Өздеріңіз күйе болып отырғандай жолаушылар да жақсы қарсы алып жатыр. Дәл осындай шаралар тек осымен тоқтап қалмайды деп үміттенеміз – дейді Мұқан Төлебаев атындағы музыкалық училищесінің көркемдік жетекшісі Тынышгүл Ақайқызы.

Аталған шара барысында тек бір ғана қоғамдық көлікті қамтымай, бірнеше бағыттағы көліктерге әнмен кіріп, күтпеген тосынсың жасалды. Өнмен өрілген мерекелік сәтте сту-

денттер еңбек адамын ардақтап, құрметтеудің маңызын көрсетті деуге де болады.

– Осыны ұйымдастырған мына балаларға үлкен рахмет. Шыныменде адамның еңбегін бағалап, оған тамаша көңіл-күй сыйлау, сондай-ақ бүкіл жолаушылардың алдында жүргізушінің мәртебесін асыру өте табылған ақыл. Қазіргі қатыгездік артып жатқан қоғамда осындай мейірімділіктің ізі бар іс-шаралар көбейсе нұр үстіне нұр болар еді, – дейді тосын сыйға тәнті болған жолаушылардың бірі Жасталап Жұмажанов.

Мерекелік көңіл-күй тарту еткен бұл шара еңбек адамына деген құрметті арттырып, жастарға өнеге боларлық мән-мағынаға толы іс ретінде есте қалды.

